



册府元龟
卷之百十三
圣十五



13
849
40



13
849
40



冊府元龜

淮南李嗣京參閱

西極文翔鳳訂正

豫章黃國琦較釋

帝王部 一百十三

巡幸第二

後周明帝以閔帝元年九月卽位時未建

二年六月辛未幸昆明池九月丁未幸同州過故宅

賦詩口玉燭調秋氣金輿歷舊宮還如過白水更似

入新豐霜潭清晚菊寒井落疎桐舉盃延故老令聞

歌大風十月辛酉還宮

武帝保定三年七月戊辰行幸原州丁丑幸津門開

百年賜錢帛又賜高年板職有差九月甲子自原州

登龍山丙戌幸同州十二月辛卯至自同州

四年十月丁卯幸沙苑勞師時遣師伐齊癸酉還宮

五年正月壬申行幸岐州七月庚寅行幸秦州八月

丙子至自秦州

天和元年十一月丙戌行幸武功等新城十二月庚

申還宮

三年二月丁卯幸武功丁亥還宮五月庚申行幸醴

泉宮七月戊午至自醴泉宮十一月甲辰行幸岐陽

十二月丁丑至自岐陽

四年五月戊戌行幸醴泉宮七月辛卯至自醴泉宮

五年四月甲寅行幸醴泉宮七月乙卯至自醴泉宮

六年十一月丁巳行幸散關十二月己丑還宮

建德元年十一月庚戌行幸羗橋集京城以東諸軍

都督以上頒賜有差乙卯還宮十二月壬申行幸斜

谷集京城以西諸軍都督已上頒賜有差丙戌還宮

三年二月乙卯行幸雲陽宮三月辛酉至自雲陽宮

七月庚申行幸雲陽宮戊子至自雲陽宮八月丙申

行幸雲陽宮九月庚申幸同州十月甲寅行幸蒲州
丙辰行幸同州十一月己巳大閱于城東甲戌至自
同州
四年正月癸酉行幸同州三月丙寅至自同州七月
丙辰行幸雲陽宮丁卯至自雲陽宮十月甲午行幸
同州十二月庚午至自同州
五年正月癸未行幸同州辛卯行幸河東涑川甲午
還同州三月壬寅至自同州四月乙卯行幸同州五
月壬寅至自同州六月丁巳行幸雲陽宮八月乙卯
至自雲陽宮

六年五月癸巳行幸雲陽宮六月丁未至自雲陽宮
甲子帝東巡七月丙戌行幸雒州十月戊申行幸鄴
宮十二月庚申行幸并州宮
宣政元年正月壬午行幸鄴宮辛卯行幸懷州置宮
二月丁巳帝至自東巡

宣帝宣政元年六月卽位八月壬申行幸同州十月
癸酉至自同州
大象元年正月甲辰東巡狩戊午行幸雒陽二月乙
亥行幸鄴辛巳詔傳位於太子自稱大元皇帝三月
庚申至自東巡大陳軍伍帝親擐甲冑入自青門皇

帝行備法駕從八百官迎于青門外其時驟雨儀衛
失容自此以後八月庚申行幸同州壬申還宮十一

月乙未行幸同州壬寅還宮十二月乙丑行幸雒陽
帝親御驛馬日行三百里四皇后及文武侍衛數百
人並驛以從仍令四后方駕齊驅或有先後便加譴
責人馬頓仆相屬

二年二月辛卯行幸同州增候正前驅戒道為三百
六十重自應門至於赤幸澤數十里間幡旗相蔽鼓
樂俱作又令武賁持鉞馬上稱警蹕以至同州

隋文帝開皇元年十月壬辰行幸岐州十二月庚子

至自岐州

二年正月癸丑幸上柱國王誼第庚申幸安成長公
主第二月辛卯幸趙國公獨孤施第

三年六月乙未幸安成長公主第九月壬子幸城東
觀稼

四年二月庚戌幸隴州九月甲子幸襄國公主第乙
丑幸灞水觀漕渠賜督役者帛各有差甲戌以閏內
饑幸雒陽

五年四月戊申至自雒陽八月己酉幸栗園九月丁
巳至自栗園

七年二月壬申幸醴泉宮四月乙酉幸晉王第十月
庚申行幸同州以先帝所居降囚徒癸亥幸蒲州丙
寅宴父老上極歡曰此間人物衣服鮮麗容止閑雅
良繇仕宦之鄉陶染成俗也十一月甲午幸馮翊觀
祠故社父老對詔失旨帝大怒免其縣官而去戊戌
至自馮翊

八年十一月乙亥行幸定城陳師誓衆時遣師伐陳丙子

幸河東十二月庚子至自河東

九年四月己亥幸驪山勞旋師也

十年二月庚申幸并州四月辛酉至自并州十一月

辛卯幸國學頒賜各有差

十一年八月壬申幸栗園乙亥至自栗園

十二年七月壬戌幸昆明池其日還宮八月乙亥幸

龍首池

十三年正月壬戌行幸岐州丁亥至自岐州七月丁

巳幸昆明池

十四年十二月乙未東巡狩

十五年正月壬戌次齊州親問疾苦三月乙未至自

東河狩丁亥幸仁壽宮九月至自仁壽宮十一月辛

酉幸温湯乙丑至自温湯

十六年十月己丑幸長春宮十一月壬子至自長春宮

十七年二月庚寅幸仁壽宮九月甲申至自仁壽宮

十八年二月甲辰幸仁壽宮九月辛卯至自仁壽宮

十二月自京師至仁壽宮置行宮十有二所

十九年二月甲寅幸仁壽宮

二十年九月丁未至自仁壽宮

仁壽二年三月己亥幸仁壽宮九月丙戌至自仁壽宮

四年正月甲子幸仁壽宮

煬帝以仁壽四年卽位十一月乙未幸雒陽

大業元年八月壬寅帝御龍舟幸江都以左武侯大

將軍郭衍爲前軍李景爲後軍文武官五品已上給

樓船九品已上給黃篾舟舳舻相接二百餘里

二年二月庚午發江都四月庚戌帝自伊闕陳法駕

備千乘萬騎入于東京

三年三月辛亥自東京還京師四月庚辰詔曰古者

帝王觀風問俗皆所以憂勤兆庶安集遷荒自蕃夷

內附未遑親撫山東經亂須加存恤今欲安輯河北

巡省趙魏所司依式丙申車駕北巡符戊戌勅百司

不得踐暴禾稼其有須開為路者有司計地所收卽以近倉酬賜務從優厚己亥次赤岸驛戊午發河北十餘郡丁男鑿太行山達于異州以通馳道六月戊子次榆林郡甲辰帝御北樓觀漁于河北宴百僚八月壬寅車駕發榆林啓民可汗飾廬清道以候乘輿帝幸其帳啓民奉觴上壽宴賜極厚皇后亦幸義成公主帳癸巳入樓煩閣壬寅次太原管晉陽宮九月乙未次齊源幸御史大夫張衡宅宴享極歡己巳至十東都

四年三月己亥幸大原因山出塞巡長城八月辛酉親

祀嘗岳河北道牧守畢集大赦天下凡經縣免一年

租調

五年正月帝自東都還京師二月戊戌次闕鄉詔祭古帝王陵及開皇功臣墓戊申至京師三月己巳西巡河右乙亥幸扶風舊宅四月癸亥出臨關渡黃河至西平陳兵講武五月庚申入長寧谷度星嶺甲申宴羣臣於金山之上丙戌梁浩壘上音閣下音門水名御馬渡而橋壞斬朝散大夫黃亘及督沒者九人六月癸卯舟大拔谷山路隘險魚貫而出風霰晦冥與後宮相失士卒凍死者大半丙午次張掖丙辰御觀風行殿

盛陳文物奏九部樂設魚龍曼延宴高昌王吐屯設於殿上以寵異之蠻夷陪列者三十餘國九月入長安十一月丙子幸東都

六年二月癸亥幸江都宮

七年二月乙未升釣臺臨揚子津大宴百寮乙亥自江都御龍舟入通濟渠遂幸涿郡詔征高麗四月庚午至涿郡之臨朔宮

八年正月辛巳大軍集于涿縣三月辛巳御師戎子

臨戎于遼水甲午渡遼

自此以後事迹具帝王親征門

七月軍敗班

師九月庚寅至東都

九年三月戊寅幸遼民以越王侗民部尚書樊子蓋留守東都四月庚午車駕度遼六月庚午以楊玄感反于黎陽遂班師閏九月己巳幸博陵庚午謂侍臣曰朕昔從先朝周旋于此年甫八歲日月不居倏經三紀追惟平昔不可復希言未卒流涕嗚咽侍衛者皆泣下霑襟

十年二月詔親征高麗三月壬子行幸涿郡癸亥次臨渝宮甲午次北平七月癸丑次懷遠鎮甲子高麗遣使降帝大悅八月己巳班師十月丁卯至東都已丑還京師十二月壬申如東都戊子入東都

冊 卷之二 幸二
十一年三月幸太原避暑汾陽宮八月乙丑巡北塞
戊辰突厥始畢可汗率騎數十萬謀襲乘輿義成公
主遣使告變壬申馳幸鴈門癸酉突厥圍城官軍頻
戰不利帝大懼欲潰圍而出民部尚書樊子蓋固諫
乃止九月甲辰突厥解圍而去十月壬戌至于東都
十二年七月甲子幸江都宮以越王侗光祿大夫段
達太府卿元文都簡較民部尚書韋津右武衛將軍
皇甫無逸右司郎盧楚等總留後事奉信郎崔民象
以盜賊充斥於建國門上表諫不宜巡幸帝大怒先
解其願乃斬之己巳車駕次淝奉信郎王愛仁諫帝

請還西京又斬之而行

唐高祖武德元年十二月乙酉幸周氏陂過故庄置
酒高會極歡而罷丁亥至自周氏陂

三年十月乙卯以秦王世民東伐王世充車駕幸華
陰送出師也

三年正月癸巳至自華陰二月甲子幸華陰四月壬
寅至自華陰六月癸丑幸昆明池

四年正月乙酉幸山堰卽日還宮閏十月乙卯幸稷
州乙未次于武功舊庄庚申召父老故吏男女數百
人置酒高會賜帟有差辛未幸周氏陂壬申還京師

六年二月庚戌幸溫湯甲寅至自溫湯三月乙未幸
昆明池宴從官極歡而罷四月乙未幸故宅所明通
義宮祭元皇帝于舊寢以貞皇后配享高祖哽咽悲
不自勝侍衛莫不歔歔於是置酒高會賜從臣帛有
差十月乙未幸華陰十一月迎勞秦王於忌武頓十
二月甲寅至自華陰

七年正月庚子幸月陂六月辛丑幸仁智宮戊申幸
秦王第七月甲午至自仁智宮壬子幸東宮宴從官
下至胥徒頒賜有差甲寅幸齊王元吉第十月丁卯
幸慶善宮癸酉幸終南丙子幸樓觀謁老子廟十二

月丁卯幸躍龍宮庚午至自慶善宮

八年正月甲寅幸秦王第謂羣臣曰朕以秦王有大
功於宮中立第以異之焉甲子幸月陂六月庚子幸
太和宮七月丙子至自太和宮十月辛巳幸周氏陂
子午幸躍龍宮十一月辛卯幸宜州十二月辛酉至

自宜州

九年正月己未幸月陂三月丙午幸周氏陂乙卯至
自周氏陂

太宗貞觀四年二月乙亥幸溫湯丙午至自溫湯九
月乙卯幸隴州十一月甲子至自隴州

五年十二月壬寅幸温湯戊申至自温湯

六年三月戊辰幸九成宮發使存問高年鰥寡十一月乙卯至自九成宮園

七年五月癸未幸九成宮十月庚申至自九成宮十一月甲寅幸芙蓉園

八年三月庚辰幸九成宮十月甲子至自九成宮

十一年二月甲子幸雒陽宮三月戊子引五品以上射於儀鸞殿庚子宴三品以上於西苑帝御龍舟沈於積翠池六月丁巳幸明德宮十一月辛卯幸懷州丙午還雒陽

十二年二月癸亥自雒陽幸河北縣觀砥柱因勒銘于其上以陳盛德庚午幸蒲州甲戌幸長春宮閏二月丁未至自雒陽宮

十三年四月幸九成宮十一月甲申至自九成宮

十四年二月壬午幸温湯辛卯至自温湯

十五年正月辛巳如雒陽次温湯衛士崔卿刀文懿憚於行役冀鑿輿驚擾而停遂夜射行宮矢及寢院者五皆以大逆論已丑詔從行士卒家貧親老者並放還二月癸丑宴從官及山東宗姓雒陽年高於貞觀殿三月戊辰如襄城宮庚午罷襄成宮分賜百姓

十月壬辰幸嵩陽辛丑還宮十一月壬申還京十二月戊子至自雒陽

十六年十一月丙辰西狩於武功甲子幸慶善宮庚午還宮十二月癸卯行幸温湯乙巳還宮

十七年十月壬戌幸芙蓉園十二月庚申幸温湯庚午還宮

十八年正月乙未幸鍾官城庚子幸鄠縣壬寅幸温湯二月巳酉幸靈口村落偏側問其受田丁三十畝遂夜分而寢憂其不給詔雍州錄屯少田者並給復移之於寬鄉乙卯還宮四月辛亥幸九成宮壬子次

太平宮八月庚子至自九成宮十月甲寅幸雒陽宮十一月壬申至雒陽宮戊寅親錄囚徒多所降免庚辰遣使齎璽書詣鄭汝懷澤四州巡問高年宴賜各有差壬午宴父老一百九十人於儀鑾殿班賜有差是月征遼之兵大聚於幽州帝將親征

十九年二月庚戌發雒陽宮辛亥次河陽女子呂年百七十歲太宗幸其宅存問之癸丑次武德太宗將飛騎歷北山行遇猛獸引弓射之應弦而殂戊午次汲縣女子翟張並年百歲太宗幸其宅存問之壬戌次安陽癸亥次於鄴三月壬申次平棘幸張道鴻之

廬賜以衣服禮高年也道鴻餌金膏時一百四十六
 歲丁丑幸定州壬辰發定州四月丁未發幽州丁巳
 次北平登臨海戍降望大壑五月庚午次遼澤壬申
 渡澤丁丑渡遼六月丁未發遼東丙辰次安市城九
 月癸未太宗以季秋草枯遼寒冽即命班師自發幽州後督
職納降事迹並見帝王親征門十月丙申次蒲溝丙午次營州丙辰
 次圍山戊午次漢武臺十一月辛未次幽州庚辰次
 易州丙戌幸定州壬辰發定州戊戌幸并州
 二十年二月乙未幸并州三月巳巳至自遼東八月
 巳巳幸靈州壬申幸漢故甘泉宮庚辰至涇州丙戌

踰隴山關次西瓦亭十一月丙戌至自靈州

二十一年五月戊子幸翠微宮七月庚戌還宮

二十二年正月戊戌幸温湯癸卯御製温湯碑以示

羣臣戊申還宮二月乙亥行幸玉華宮三月丙戌至

玉華宮

高宗永徽四年十月庚子幸温湯乙巳至自温湯

五年二月戊午幸萬年宮乙丑次鳳泉幸温湯乙巳

至萬年宮辛未詔曰朕躬膺寶命嗣奉瑤圖居萬乘

之尊當四海之貴遐觀徃烈詳求前古每希蹤於哲

后嘗勞心于庶物兢懼弗寧憂勤若厲屬天下無事

區宇有截仰高風於汾射斲清暑於林泉朕昔在震宮侍遊茲壤山川如舊歲月不追今既俗阜年和華夷胥悅緬懷徽範情兼感慰宜遵省方之義且順陽和之序曲申惠澤式彰寬宥行幸所經諸縣及岐州囚徒行人犯罪者流降徒以下並免之

顯慶二年閏正月壬寅發京師二月辛酉入雒陽宮五月丙申幸明德宮以避暑七月丁亥還雒陽宮十月戊戌幸許州十一月乙卯還雒陽宮

三年二月丁巳發東都還京師甲戌至自東都四年閏十月戊寅發京師辛東都戊戌至自東都

五年正月甲子發東都幸并州詔所經州縣供頓務從儉約己巳至澤州之長平頓二月辛巳至并州二月甲寅幸童子寺賦詩而還四月戊寅發并州癸巳至東都五月壬戌幸合璧宮六月甲午還東都十一月甲寅發東都幸許州十二月己卯至東都

龍朔元年四月丁卯幸合璧宮七月甲辰還東都九月癸卯幸河南縣婦人張氏第張年一百三歲嘉其老也又幸李勣第歎其服用儉素恩賜極厚是日又幸天宮寺高祖龍潛第也又至許園師第癸酉還宮二年三月甲午發東都還京師乙巳幸河北辛亥幸

蒲州夏四月庚申朔至京師十月丁酉駕幸温湯皇太子監國丁未至自温湯

麟德元年二月戊子發京師幸福陽宮癸卯至萬年宮八月丙子至自萬年宮便幸舊宅停七日壬午還蓬萊宮

二年二月壬午自京師幸東都閏三月壬申朔至自東都十月丁卯發東都赴東岳十一月己卯至滎陽丁亥至衛南幸司空李勣舊居之宅戊子至濮陽十月二日至齊州停十日丙辰發靈巖頓至于泰岳之下

乾封元年正月戊辰朔有事於泰山

事具帝王封禪門丙戌

發自泰山辛卯次曲阜縣癸未次亳州謁老君廟三月丁丑至東都甲申發東都還京師幸合璧宮四月甲辰還京師

總章元年三月戊寅幸九成宮八月癸酉至自九成宮

二年四月己酉朔幸九成宮九月己亥至自九成宮還京師十月丁巳至自九成宮

咸亨元年四月庚午幸九成宮八月丁巳還京師九月丁丑以京師久旱詔來年正月幸東都在路供頓所須並令司稼自供不得令州縣差科所經道路修

理開拓水可涉渡不煩造橋築官又擬置御營之驛
並不敢擅加修補在路不得妄有進獻

二年正月甲子至東都十一月庚戌發東都幸許汝
等州十二月丙戌還東都

三年四月庚午幸合璧宮十月壬戌發東都還京師
十一月甲辰至京師

四年四月丙子發京師幸九成宮十月庚子發九成
宮乙巳至京師

上元元年十月丙午朔發京師幸東都戊申至東都
三年二月丁亥發東都幸汝州之温湯三月甲辰發

温湯還東都閏月庚寅發東都還京師四月幸九成
宮十月還京師

儀鳳二年正月庚辰幸司竹園卽日還宮

三年五月壬戌發京師幸九成宮丙戌至自九成宮
是日山中霖雨大寒行從兵士有凍死者各賜絹三
疋給棺槨官爲埋殯又九月丁巳車駕發九成宮辛
酉至京師十月詔曰咸京天府地隘人繁百役所歸
五方胥萃雖獲登秋之積猶虧涸歲之資春言于此
思蠲徭賦夫以交風興壤測景神州職貢所均水陸
輻輳今茲豐熟特倍常時事貴從宜寔惟權道卽以

來年正月幸東都閤內百姓宜免一年庸調及租并
地子稅草其當道諸縣特免二年劍南隴右諸軍每
供進物一二年且停

調露元年正月己酉幸東都

永隆元年二月癸丑發東都幸汝州之温湯丁巳至
少室山戊午帝親謁少姨廟又幸嶽山東閑居寺及
隱士田遊巖所居己未幸嵩陽觀及啓母廟並命樹
碑又幸道士潘師正所居之谷甲子發温湯乙丑至
東都四月乙丑幸紫桂宮八月乙巳發紫桂宮丁未
至東都十月己酉發東都還京師

永淳元年四月丙寅發京師幸東都皇太子於京師
監國劉仁範裴炎薛元超等並留輔皇太子以關中
穀貴遽出詔東幸扈從兵馬特令減數其百官欲將
家口往東都者官爲出船任於渭漕東下時士庶皆
忽遽出關在路有餓死者戊寅至澠池之紫桂宮乙
酉至東都

二年正月甲午朔發東都庚子至奉天宮四月己巳
還東都五月庚寅幸芳桂宮至合璧宮屬大雨却還
東都九月癸亥幸奉天宮十一月丁未自奉天宮至
東都文武百官見於天津橋南路左

中宗神龍元年八月丁丑御雒城南門以觀鬪象十月癸亥幸龍門香山寺乙丑幸新安畋遊而還十一月己丑御雒城門樓觀潑胡王戲

景隆二年二月癸未幸左金吾大將軍陸頌宅九月丁卯幸慈恩寺十二月甲寅幸漢故未央宮舊基引從臣賜宴有羣鹿經於御前羽林騎士獲之以獻帝皆命放之

三年正月癸酉幸薦福寺乙亥宴侍臣及近親於梨園亭十一月甲午幸新豐之温湯庚子幸兵部常嗣立莊舍宴賜甚厚特封谷爲幽栖谷是月幸驪山乙

巳至自温湯

四年正月己卯幸始平縣送金城公主出降吐蕃二月癸未至自金城縣三月甲寅幸臨渭亭袂袂是日還宮

玄宗先天元年十一月睿宗命帝巡邊誥曰先王省方所以觀風設教聖人順動所以刑清吐服故協時同律震典之嘗道喬嶽翁河周詩之盛德自王風不競茲禮遂亡兩漢本朝有時干邁三國以降日不暇給我皇家開元首出十代重光寰宇大寧車書無外文祖神宗之德洽于人心考祥展義之規昭於國典

朕祗若不構寅奉慶靈夙懷箕穎之心耿遂汾陽之志皇帝天錫英武神與聰明純孝極於安親大功深於濟代自陟元后實總朕師時政益明彝倫攸敘而邊畔遐阻藩服悠曠式慰來蘇之懷寔允卜征之意加以頃年邊將授任或乖師旅以虧軍威不振今盛德在水玄冥御辰天道成於積陰王制崇於大闕皇帝宜順時巡狩親幸邊陲掌圖修考事之儀興樂具陳詩之禮西泊河塞東踰燕朔望秩名山肆覲羣后休農問老誓師訓卒其有牧州典郡功施於人杖節擁旄隱若敵國者當崇進律之賞加以分麾之命若

郡政不舉軍令莫修聚斂苛細侵削戰士者宜明茲典憲肅以天誅然後七萃騰裝三軍按節合符釜山之典覽軒帝之餘風勒騎單于之臺踐漢皇之故事使陰山罷祲大漠無塵其供帳所資儲擬之費皆令有司支備不得煩人甲午帝以北巡之故慎選良將乃以幽州防禦使幽州都督宋璟爲左軍大總管和戎等軍大使并州長史薛訥爲中軍大總管朔方大總管兵部尚書郭元振爲右軍大總管旣而竟不行二年八月癸卯制曰咸維京師建都惟舊乃眷時邁卜御斯在朕承天纂曆恭已臨人鼎俎雖其念疲吐

之不足宮室信美暢浮戶之未安事內攢於千慮心
外周於萬物則知帝業初起嶠函乃金湯之地天下
大定河雒爲會同之府周公測景寔曰土中總六氣
之所交均萬方之來貢引魚鹽於淮海通稅紵於吳
越瞻彼雒汭長無阻饑自中宗入關於今八載省方
之典久而莫修遂使水漕陸輓方春不息勞人奪農
卒歲何望關東嗟怨朕實聞焉思欲寧人而休轉運
館穀而就敖庾如以暑雨作害災拂秦川歲星有福
祥歸豫野朕情深救弊身豈懷安博考靈心審聽輿
語上奉天以爲孝下利人以爲忠順時而動從衆之

願宜以今年十一月行幸東都凡厥有司各恭乃事
至於行從兵馬供頓貯積務在樽節勿使煩勞考使
選人咸令都集東都宮殿須理量加補葺不得煩人
朕本爲人而行非擬勞人自奉所過州縣無費黎元
亦不得輒有差科旁求進獻宣布遐邇知朕意焉十
月己亥幸新豐之温湯乙巳至自温湯

開元二年九月戊申幸新豐之温湯十一月甲辰勅
曰惟此新豐是出古之順豫義兼巡省頃者觀風數
臨茲地以寃滯詢于故老間里歡康田疇懇闕况冬
降積雪春期有年且諺王遊果符時邁雖千乘萬騎

咸給於主司而累月再來頓勤於除掃且下復蠲之
令懈其望幸之心新豐縣百姓免一年雜差科縣官
及溫泉監官經兩度祇承者與一中上考

二年十月癸亥幸郿縣之鳳泉湯甲戌制曰詩人賦
塲神甸清道子來經上林之苑圍指扶風之藪澤雖
獵將提鼓虞人植旗仍憫沍寒之節不行肅殺之命
豈惟虞舜之典咸秩山川所真周文之風及於鳥獸
繇是罷還士卒非重盤遊養彼吏人致有煩擾所謂
行者幸也后來其蘇宜申恩惠用符古者所經州縣

供承頓官百姓并告營幕橋道等事宜令所司勘會
奏聞其緣御路及頓塲麥苗有損者亦令實具奏聞
十一月乙卯至鳳泉湯是月詔曰陳詩展義問俗觀
風乃王者之所務也頃屬農事皆隙歲功有成近歷
艷鑄左連岐雍見江山秀麗溝塍綺錯長楊鄠社之
間竹林園果之富相望於道家給人足謂之時邁頗
慰予懷思所以問耆老恤淹滯舉逸人旌賢士庶協
巡遊之典以符行在之恩駕所過之縣見禁囚徒以
下咸宜放免流以上罪具犯狀奏聽進止古者親問
至年養存養老年九十以上并篤疾各賜物四段綿

布各一屯

四年二月甲辰幸溫泉湯丁卯至自溫泉湯十二月
甲辰幸新豐之溫湯乙丑至自溫湯是月帝將幸東
都以京兆尹蕭璿充置頓戶部侍郎崔皎爲副太嘗
少卿崔子璟充橋道使自華州東北趨同州於渭水
造一浮橋

五年正月辛亥幸東都庚申勅曰行幸所經州宜令
紫微令黃門平章事蘇頲訪察刺史上佐政術定作
三等奏聞二月甲戌至東都

六年七月辛酉詔曰觀俗省方所以愛人治國崇尊
廟貌所以事神享親欽若昔典此惟大義朕祗膺鴻
業積稔咸泰去歲欲幸雒京已發成命旋屬重營太
廟因將中止未卽展軫効駕信弗可違終肆覲於東
方當載馳於西土流畧不駐通喪永畢象居始成如
在增慕朕之前志日夜靡遑故可以詩陳肅雍禮極
禋祀况神明之隲時惟雍州稼穡有年莫若關輔王
畿用吉后来其蘇實獲我心俾從人欲可以今年十
月取北路幸長安所司准式務在節省無得勞費甲
寅復詔曰兩京來去乃是尋常緣頓所須皆用官物
至於百姓縱暫祇承處置有條不合辛苦其中侵擾

莫非橫干或漁獵畜養以將進獻途使役以徇聲名
實由綱紀未樹教令不行去年從京何都嘗亦處分
蒲州刺史程行謨同州刺史李朝隱陝州姜師度至
其州界咸有進奉惜其能善政故乃屈法收情憶至
於今豈能無恠冬中西幸不可踵前其有輒進送及
餉遺從官并別有煩擾者必科以法御史明加糾察
隨事奏聞九月辛卯以將作大匠韋溱爲東郡留守
十月甲寅還京十一月辛未至自東都
七年十月辛卯幸新豐之溫湯癸卯至自溫湯
八年十月辛卯幸長春宮壬午敗於華州之下邽

寅遂幸溫泉十一月辛卯至自長春宮

九年正月甲寅幸新豐之溫湯乙亥至自溫湯九月
甲戌詔曰王者觀俗以賦政考祥以省方必將協于
人和而奉若天命朕祇承鴻業用康黎庶思振德以
惠物豈勞人以尊已頃年關輔之地轉輸實煩重以
河塞之役兵戎屢動千金有費九載未儲懷此勞軫
以增肝旻且夫苟利於物可隨方而變通將適於人
故因時以巡幸卜維萬方之隲維嵩五嶽之中風雨
之所交舟車之所會流通江汴之漕控引河淇之運
利俗阜財於是乎在今欲省其費務以實關中卽彼

敖庾少留河邑乘歲陽之吉展遊順之儀豈惟龜筮不違故亦詢謀是協修五禮問百年車輿動而不勞玉帛會而胥悅所謂先天以弘道因人以為利也宜以明年正月十五日幸東都十二月乙酉幸新豐之温湯壬辰至自温湯

十年正月丁巳幸東都二月戊寅至東都八月壬子制曰朕頃自鎬京省方於維本以息轉輸之費即河漚之殷今屬宗廟改脩禮崇昭事永言配享必在躬親又眷彼晉陽是稱重鎮將陳詩以問俗式安邊而訓武雖來往祇供頗有煩役而國之大事不可云勞

宜以明年正月三日發雒幸并州取便路還京應湏支計所留准式緣頓祇承一事已上並用當處官物不許科歛百姓其遞運及從兵馬官寮等務從減省所在公私并不得輒有進獻違者所錄州縣官及進獻人各量事貶罰布告遐邇咸使聞知

十一年正月己巳發東都北巡符庚辰幸潞州二月辛未歸京師十月丁酉幸新豐之温湯置温泉宮甲寅至温泉宮十二月甲午幸鳳泉湯詔有司萬事自備不得干擾百姓戊申至自鳳泉湯
十二年十一月庚午幸東都戊寅至東都

十三年二月戊午幸龍門即日還宮十月辛酉帝發東都巡狩十一月庚戌至泰山之下去山趾五里巳丑日南至帝與宰臣及外壇行事之官登于嶽上齊宮之所庚寅祀昊天上帝于山上辛卯祀皇地祇于社首之泰折壇事見帝王封禪門 庚申幸孔子宅親設奠祭十二月巳巳至東都

十四年十月庚申幸汝州之温湯辛酉至温湯之行宮時屬雨雪帝親賦喜雪詩以示羣臣巳巳至自汝州之温湯十一月丁巳幸寧王憲宅與諸王宴探韻賦詩即日還宮十二月巳丑幸壽安安定方秀川時

狩故也

十五年六月乙巳西京父老詣闕上表請幸帝手詔許之甲寅制曰朕粵自鎬鄴省方纏維屬九服寧晏四時順成殊徵麗殷景福紛委遂荷靈睭登于介丘先天成功允答休祐蓋敬天知命不敢以寧也我來于東歲亦數稔而西土耆老僉予多怨况關輔之地頃則有年宜叶卜征之祥式展時巡之義可以今年閏九月十日取北路幸長安所司准式緣頓支供一事已上並用當處官物不湏科斂百姓其遞運及行從官寮等物從減省所在公私不得輒有進獻宣布

遐邇知朕意焉七月戊戌幸寧王之第是日憲誕辰也八月己巳制曰朕君臨區宇子育黎元每懷勤恤不欲勞煩而鎬京之地陵寢所在自展義河維已歷歲年所以式尊卜征有事時邁抑惟嘗典寧敢憚勞將欲西巡元取北路今同州有暴水浸于邑居載懷憂惕無忘鑒寐且從南路幸長安所司准式閏九月庚申發東都幸京師十月己卯至京師十一月丙寅幸寧王憲之第

十六年九月己卯幸溫泉宮乙丑至自溫泉宮十一月戊申幸寧王第留宿丁卯幸溫泉宮

十七年十二月辛酉幸溫泉宮壬申至自溫泉宮十八年四月乙巳幸溫泉宮丁未至自溫泉宮壬戌幸寧親公主第七月庚辰幸寧王憲第八月辛亥幸永穆公主宅十月庚寅幸岐州之鳳泉湯癸卯至自鳳泉湯十一月丁卯幸新豐溫泉湯

十九年六月丁卯制曰三秦九維咸曰帝京五載一巡時惟邦典上腴多饒衍之美仍勞於轉輸中壤均舟車之奏頗聞於殷積朕所以相時度宜期于利物者也况河汴頻稔江淮屢登二周馳望幸之城三川勤僎予之請然猶未便順動且念人勞期以來年方

議時邁而頃京輔近甸膏澤未均陝雒之交稼穡亦盛固不可俟於今日庶用協乎光天豈肆心於宴安期順人而從幸兩京供帳宿有儲擬十月滌塲是因暇隙信可備法駕整勾陳清蹕嶠潼觀風河雒宜以今年十月四日幸東都所司准式十月丙申幸東都勅供頓州縣百姓所緣料及克木匠雜祗供人等宜放今年地租自餘戶等免今年地稅半應定供頓縣宮各與一中上考庚辰至東都

二十年七月甲辰制曰昔之握皇綱執大象者或省方以肆觀或巡狩以觀風故軒轅至崆峒之野夏禹列塗山之會雖徃古遺事先王高迹觀其出豫稍涉遐遠朕自臨馭天下底綏人極法駕罕順動之儀蒼生多俟來之歎每欲時邁因而布和憚于入勞必也中止惟彼堯俗古風猶遽方於譙郡王業是同西漢高皇永懷于沛邑東京觀帝每幸於春陵豈不遠思喬木無忘敬梓况境乃近壤城惟列都旣行幸是嘗亦情禮兼遂又嵩郡天險方位土中而陵寢地遙攀望增感且布政而行化實展懷於志思宜取今年十月十二日幸北都便還西京所司准式十月壬午駕發東都北巡辛丑至北都庚申祀后土於睢上十二

月辛未至京師

二十一年正月丁巳幸溫泉宮丁亥還京十月庚戌幸溫泉宮己未還京

二十二年正月己巳幸東都乙丑至東都

二十三年十月詔曰朕所時邁皆徇物情屬關輔無年遽爾東顧幸非爲己將以息人今百穀旣登庶事皆省而五陵所奉誠在京師安可更留周南有闕時薦宜以來年正月七日取南路幸西京所司准式緣行幸所須務從節減所司明爲條例勿使勞煩

二十四年正月勅以前議西幸屬歲不登關輔之間

且欲無擾今稼漸熟漕運復多而陵寢久違蒸嘗永感農隙順動得非其時前取今年十月幸西京者以其月三日發東都取南路應緣頓所要務從節減所司明爲條例勿有煩勞十月戊申發東都幸京師甲子至陝州丁亥至京

二十五年十一月壬申幸溫泉宮乙酉至自溫泉宮

十二月戊午幸寧王宅

二十六年五月庚寅幸咸宜公主宅十月戊寅幸溫泉宮庚辰至自溫泉宮

二十七年十月甲戌幸溫泉宮十一月辛丑至自溫

泉宮

二十八年正月癸巳幸溫泉宮庚子至自溫泉宮十
月甲子幸溫泉宮庚子至自溫泉宮
二十九年正月癸亥幸溫泉宮庚子至自溫泉宮十
月庚申幸溫泉宮十一月辛酉至自溫泉宮

册府元龜

淮南李嗣京參閱

西極文翔鳳訂正

豫章黃國琦較釋

帝王部 一百十四

巡幸第三

唐玄宗天寶元年十月丁酉幸溫泉宮十一月巳巳
至自溫泉宮

二年三月韋監開廣運潭畢功得陳舟艦丙寅幸廣
運樓以觀之即日還宮十一月戊寅幸溫泉宮十一

冊府元龜 卷之百十四
月乙卯至自溫泉宮十二月戊申幸溫泉宮丙辰至
自溫泉宮

三載正月乙丑幸溫泉宮二月庚子至自溫泉宮十
月甲午幸溫泉宮十一月丁卯至自溫泉宮

四載十月丁酉幸溫泉宮十二月戊戌至自溫泉宮

五載十月丁酉幸溫泉宮十一月己巳至自溫泉宮

六載十月乙酉幸溫泉宮改溫泉宮爲華清宮十二
月癸亥還宮

七載十月庚戌幸華清宮辛酉還宮

八載十月丙寅幸華清宮十二月丁巳幸御史中丞

楊釗庄

九載正月幸華清宮十月庚申幸華清宮改驪山爲

昌山十二月辛卯幸楊國忠亭子十二月乙亥還宮

十載十月辛亥幸華清宮十一月己未幸楊國忠宅

十一載正月至自華清宮十月戊寅幸華清宮十二

月乙亥還宮

十二載十月戊申幸華清宮

十三載正月還宮十月乙酉幸華清宮十二月戊午

還宮

十四載十月庚寅幸華清宮十一月甲子安祿山稱

兵何闕庚午以其事聞於行在丙子還宮

上
肅宗乾元元年十月甲寅上皇幸華清宮帝送於壩

二年冬十月丁酉詔曰昔昆夷作患周宣興薄伐之
役陳豨稱亂漢祖發親征之師蓋所以禁暴除克取
威靖難上以保宗社下以拯黎元古者帝王茲道無
替頃者祿山稱兵構逆背義負恩惡既貫盈尋已殄
滅而思明殘寇尚敢挺袂聚其蜂蠆之餘邀我雷霆
之伐朕以干戈屢動黎庶未康繇是按甲延誅異其
來格而乃竊兵干紀自取滅亡副元帥光弼糾率銳

徒恭行天伐爰啓絳宮之畧克摧青嶺之師曾未浹
辰大破克黨此皆穹昊垂祐宗社降靈是以戎律用
貞禍滌斯在如聞蓬艾之下蚊蚋猶虞故當乘破竹
以追奔同燎原而撲滅朕爲人父母深念塗炭是用
大整戈矛方申吊伐撫綏河雒以致和平卽以今月
十七日幸東京率六軍取北路進發但巡幸所過自
有行營應緣祗供並有司自辦其路次州縣一切不
得別有徵歛亦不得輒有進獻及時新野味等王公
以下文武從官每頓主人供蔬飯不得輒置魚肉餅
果及鋪設亦不得妄差人力別有祗承行從官及州

縣所繇有如違犯王公以下五品以上具名錄奏當日貶官餘并從軍令仍令知頓使左右巡使御史相知糾察具狀彈奏如涉阿容及不能舉奏所繇議在必行毋貽後悔仍令戶部侍郎同中書門下平章事第五琦充置頓使應行幸供擬及兵馬糧料續樽節作條件奏聞其從官委中書門下定名錄奏務從減省不欲勞煩宣示中外宜知朕意又以殿中監李輔國行營兵馬以御史大夫賀蘭進明中京番守時公卿皆獻書進諫帝以制命已行不納考功郎中知制誥蘇源明及給舍等上言切諫帝省表遂不行

代宗寶應二年五月幸興慶宮即日還大明宮

大曆二年二月壬午幸昆明池從俗踏青也

德宗貞元三年七月丙寅幸章敬寺

七年七月幸章敬寺賦詩序皇太子在侍進和兼題百寮畢和以班列焉其後京兆尹薛珏請皇太子書帝詩序刻石而墳之以金

八年七月幸章敬寺

十二年九月癸卯幸魚藻宮即日還

十三年四月壬戌幸興慶宮龍堂求雨七月幸魚藻宮池先深一丈更掬加四尺

十九年四月幸家令寺

憲宗元和六年七月戊申御興安門觀樂

十五年七月幸安國寺觀釋氏孟蘭盆之會庚辰後

幸興福寺

穆宗元和十五年八月壬申幸魚藻宮

敬宗寶曆元年十一月幸温湯即日還宮

二年三月戊寅幸魚藻宮觀競渡己卯賜魚藻宮從

官左右神策中尉諸司使翰林學士等錦綵銀器有

差十月丁未幸城南華嚴寺

文宗太和四年八月戊辰幸禁園亭會昌殿奏新樂

七年十二月庚子駕幸望春宮

昭宗乾寧五年三月庚午車駕幸韓建南莊六月帝

幸西溪觀競渡

光化元年車駕在華州四月幸陟岵寺宴從官於韓

建所獻御莊六月幸西溪觀競渡

後唐莊宗同光元年十一月詔將自汴歸維有事於

南郊河南尹張全義進迎駕法物儀仗甲子帝發汴

州十二月庚午朔車駕寅時發自石橋御史中丞李

德林率文武百官班於積潤驛六軍諸衛金吾儀仗

大常法物畢陳於路自上東門歸大內百官稱賀辛

未以百官初至雒放三日朝叅壬辰幸伊闕

二年二月戊寅幸李諱明宗也宅宣教坊樂盡歡而罷

巳卯幸左龍武軍辛卯寒食假帝出宣仁門幸東宅

皇太后皇后幸水陸院尋勝教坊內弟子作樂晡晚

還宮三月甲子幸東宅皇太后幸水陸院召李諱侍

宴五月辛丑幸內園觀親殿上梁又幸郭崇韜之私

第置酒作樂七月乙酉幸龍門之雷山祭天神從北

俗之舊事也八月幸皇太子繼岌院奏教坊院樂縱

酒而罷九月甲寅幸郭崇韜之私第宣教坊樂置酒

會從官至一更還宮十月甲申幸小馬坊閱馬十一

月巳亥幸六宅作教坊樂宴諸皇弟戊午幸明宗第

又至宋州節度使元行欽之第縱酒作樂一鼓三筭

歸宮十二月戊辰幸西苑庚午車駕幸張全義之第

丙子勅大名重地全魏與區成予定霸之基致我興

王之業蓋以土田沃衍庶士忠勤載想夤緣得無瞻

矚近者頻令按察頗樂和平既望幸之誠宜舉省

方之典取來年正月七日朕當巡幸東京丁丑勅中

書門下省御史臺尚書省諸寺監大卿監各差有公事

官三十員從行乙酉幸廣化寺祈雪乙丑又幸龍門

三年正月乙未御史中丞崔恊率從駕官屬先發東

京雷中書省印宰臣趙光裔雒中行事丙申勅翰林
學士中書舍人金吾將軍兵吏部郎官扈從餘官並
取三日先程赴鄴庚子革駕幸鄴京扈從軍三萬陳
於上東門外帝御城樓慰撫而遣之宰臣趙光裔率留
守司官屬辭至自坡河陽張繼業遣人上章云病甚
既次河陽帝遣御醫視之癸卯駕次新鄉鄴都留守
李岌進御衣纁銀謝巡幸副留守張憲遣少尹龍敏
奉表謁於路戊戌至鄴皇后先歸大內帝自千秋亭
乘輦備法駕晡晚歸宮

三月庚子詔曰朕以削平僭亂底定寰區爰宅雒都
再踰星歲乃睠興王之地頗聆聖幸之辭暫議省巡
以慰羣品因茲駐蹕俄已經春優恩既洽於大名車
駕宜還於中土俾宣遐邇咸暢昇平可定此月十七
日發程取河陽舊路歸雒甲辰宰臣竇盧革御史中
丞崔協率文武從官先赴雒京帝詔郭崇韜謂曰朕
思在德勝寨時霍彥威段凝皆予之勅敵終日革鬪
戰聲相聞安知二年之間在吾廡下吾無少康光武
之才一旦重興基構者繇二三勲德卿等同心輔翼
故也朕有時夢寢如在戚城因念曩時挑戰鏖兵勞
則勞矣然而揚旌伐鼓差慰人心殘壘荒溝依然在

目子欲按德勝故寨與卿再陳舊事崇韜曰此去澶州不遠陛下再觀戰地益知王業之艱難可不偉哉已酉發自鄴宮副留守張憲率東京官吏辭於千秋亭是夜次南樂行宮庚戌次澶州辛亥至德勝寨地帝登城四望指戰陣之處以喻宰臣渡河而南公岸西上所至指示廢柵陳曩時勝負至汴軍所據楊村寨因召龍驤神威諸較問當時諸將勇怯以爲笑樂及至戚城先鋒寨置酒作樂日晏而旋丙辰次獲嘉懷州刺史李建鄴謁于路戊午次溫縣前華州刺史高允奇自鞏縣修倉所來見乙未次河陽庚辰早發

至白坡邢州節度李存紀振武節度朱守殷河南尹張全義謁於路宰臣竇盧革趙光喬文武百官班於路左右金吾六軍儀仗畢陳道從還宮

四月壬申幸其泉亭際晚還宮乙亥帝與皇后幸樞密使郭崇韜私第崇韜進銀鞍馬六匹御衣着五百段銀器副之皇后衣二百段金合副之絹百疋從官李從勳下至供奉教坊伶官優給有差又幸左龍武統軍朱漢賓之第夜漏三刻還宮庚辰帝侍皇太后幸會節園遂幸李紹榮之第五月戊辰幸龍門廣化寺祈雨己未幸玄元廟禱雨九月丁巳出師子門射鴈

於尖山至晚還宮

明宗天成元年八月出上陽門幸冷泉宮觀稼至晚還宮九月乙未幸至德宮因幸前隰州刺史袁建鄴之第甲戌幸冷泉宮觀稼至晚還宮

二年三月壬子朔幸會節園宰相樞密使及節度使在京者共進錢絹請宴壬戌車駕幸甘泉亭四月戊子幸會節園召宰臣學士在京勳臣赴宴甲辰出左掖門觀修堤部署首領及力役軍人百姓賜物有差幸駙馬石敬瑭晉高祖也宅又幸安重誨第進酒奏樂例加賜賚六月庚子幸白坡祭突厥神至晚歸內七月

幸冷泉宮至暮歸內

八月秦王從榮自鄴中至泊於至德宮帝幸其第宣禁中女伎及教坊樂飲宴至晚從榮進馬及銀器錢絹帝賜諸伎樂及行從人等乘輿歸內己未御札就中書示諭曰歷代帝王以時巡狩一則遵行典禮一則按察方區別彼夷門控茲東夏當先帝戡平之始為耿躬殿守之邦俗尚貞純兵懷忠勇自元臣鎮靖庶事康和兆民咸樂於有年闔境彌堅於望幸事難違衆議在省方朕取十月七日親幸汴州其公路一行宿食頓遞可下三司排當務從簡儉不得勞擾人

戶至於扈從兵師亦已嚴行誠約兼告諭東北道諸
候不得迎駕朝覲庚午勅應兩省及諸司有公事朝
臣並隨駕西班差左右金吾大將軍及諸司衛將軍
等十餘人扈從十月甲辰勅少府監聶延祚等以大
駕巡幸告祭神祠帝御興教門懾諭樓前兵士乙酉
幸汴州馬步軍士數萬人自級節以上各賜錦衣鎧
甲光明組練鮮潔法令如一行伍日嚴師徒雄盛近
代罕比懋於積潤驛宰臣崔協引百官辭於行宮前
辛丑詔曰禁暴戢兵實繇武德安人和衆乃契天心
車駕自離雒京戒嚴兵士不犯一物不役一夫河流

井泉此外無取尚恐州縣以迎駕爲名妄有配率或
加察知必不容恕車駕至汴帝出咸安門封禪寺遊
幸至晚歸內十二月壬午幸西郊食於釋氏知庖司
取樵蘇于僧舍命遠買以償之庚子幸石敬瑭公署
及康義誠私第

三年正月壬子延宰臣於玄德殿帝欲巡幸鄴都鄭
珽等贊美其事癸丑內出御札曰王者以六合爲家
萬幾是務動必從於人欲道貴表於君臨矧以大業
名都先皇舊地干戈近息井邑初完去春特命親賢
出分使寄一載之化條方闡六州之生聚咸蘇朕又

竊念并汾有同豐沛欲和鑿之親撫慮致勞煩移嗣子之總臨異諧委注今則以令赴鎮兼報行期而鄴都士庶馳誠表章繼至思朕車御暫到庶彼內外永康疊興後后之詞何爽省方之便朕今月七日巡幸鄴都踰月之內却駐梁苑其公路宿食頓遞並仰三司預專排比不得輒擾人戶付中書門下准此辛酉宰臣與百官詣閣進表請辛未幸鄴都及且住般糧尋降御札曰朕以鄴都望幸暫議省巡雖宣命已行而憂勤是厲切緣禁軍家口元住雒京般取或在道塗已到未經信宿念其辛苦動繫憂勞所宜別選良

辰以副朕意今改三月十三日故茲札示壬戌追朝宣御札於閣門曰朕每念耿躬嗣承丕構厲憂勤於庶政持兢業於厥心罔敢怠荒冀符禪益去歲以五兵偃息九穀豐登指內外以省方慰羣情之望幸迨於駐蹕允協來蘇迺睠鄴城匪遙梁苑復念興王之地思從後后之詞將命和鑿指期屆路卿等情深許國道在弼予旋貢表章罄輸丹赤備閱傾廈之懇深詳啓沃之規已諭淹延禪從兪允其六軍經費諸道轉輸國計所先兵食斯衆將致贍豐之備難矜運輓之勞既念疲羸祖宜蠲減其百姓般糧至雒京並却

停罷只今近東州府般至汴州時將幸大名也六卿家口終自雍陽遷於

汴水頗巫聞順動初有難色及至百官上表聖慮未

迴頗有狂說定州王都正多疑慮人情相恐軍士惶

惑在位咸不敢言趙鳳手疏於安重誨直論其事重

誨自驚具白於帝翌日詔罷行期內外謐然安帖

二月帝在汴丁酉出御札於中書曰朕聞王者握圖

御宇應天順人必從億兆之心以副寰瀛之望朕恭

承大寶漸致小康當時和歲豐之辰叶海晏河清之

道思從望幸爰議省方昨者以全魏名邦興唐霸國

當去弊除姦之後是安民撫衆之時思暫議於巡遊

庶躬親於勞慰尋頒詔旨已定行期而聞衛士連營

方諧聚族農功務穡始在承春雖無供億之勞寧免

差雀之患而又勳賢拱北藩翰勤王儻萬乘之少晉

煩諸侯之入覲况復大臣抗表多士輸忠瞻瀝懇以

再三閱封章而數四諒為裨益深可嘆嘉宜罷鳴銜

且謀駢蹕凡在中外當體朕懷先取今月十三日巡

幸鄴都權停四月癸巳駕出北門觀麥翌日謂侍臣

曰昨日出城詢諸父老苗稼滋潤牛驢皆肥喜形于

色朕亦樂之左右皆賀五月帝幸西莊宴迴鶻召前

節度使赴之六月乙卯幸南莊八月戊戌幸西莊閏

八月戊辰右散騎嘗侍李光憲上言請車駕歸雒陽

修大禮於南郊九月壬午幸南莊翌日謂侍臣曰朕

見西郊種麥已知生民之苦辛深可憫念十二月甲寅帝幸開封府六宮從行宴樂頒賜至晚幸康義誠楊漢章私第賜捧聖三指揮絹千疋翌日顧侍臣曰行幸飲六十餘盃亦覺太甚左右無對者

四年二月丁卯東京留守孔循請車駕還京師巳酉出御札宣示中書曰朕紹續鴻圖撫寧諸夏爰從維邑來幸浚郊屬中山興勃逆之心外寇恣朋連之勢致煩征討方見盪除皆宗社之威靈盡忠良之裨贊自此遐邇永遂隆平蓋以久別三川嘗懷九廟既克清於氛祲宜便復於京師取今月十三日歸維都庚

戌差內臣公路排頓辛亥幸西莊丙辰車駕將自汴歸維文武自官先赴維京辭丁巳帝取二十四日歸京駕出厚載門觀步兵先發甲子車駕歸京宿于中牟縣百官詣行官起居各賜酒食帝謂侍臣曰麥田稍旱朕已聞申禱祈乙亥屆鄭州雨三日百辟稱賀丙寅以未晴駐蹕鄭州宴從官於行宮庚午自石橋排儀仗列大嘗鹵薄鼓吹車輅法駕道引至未時入上東門

三月壬辰幸延慶在戊戌幸會節園召從臣赴宴四月幸西莊五月幸龍門諸寺六月幸至德宮八月十

五日幸金貞觀至東午橋還宮九月辛卯幸延慶莊
至晚還宮十月壬子幸七星亭至晚還宮庚申幸龍
門至晚還宮甲戌出徽安門按夏州所進白鷹十一
月壬辰幸鎮國橋慰勞工徒而還戊子出上陽門幸
苑內亭子閱馬至晚還宮

長興元年正月丁卯閱馬於苑內至晚還宮癸未幸
至德宮二月戊戌幸長夏門稻田莊至晚還宮三月
丁卯幸會節園宴宰臣及諸道入觀節度使賜物有
差因幸河南府至夜歸宮壬午幸河南工役所丁亥
出上陽門觀稼至晚歸宮四月丁酉幸長夏門稻田

莊巳亥幸會節園宴大臣至暮歸宮八月出定鼎門
觀秋稼九月壬午幸至德宮十月幸龍門至晚還宮
十二月辛亥出歸子門幸苑中新修亭子至晚還宮
二年二月丁酉幸至德宮因幸前襄州節度使安元
信東州王突欲之第賜突欲絹三百疋至晚還宮三
月庚申幸左藏庫給將士金帛仍親視之四月丁酉
幸會節園宴宰臣親王內臣及在京候伯因幸河南
府秦王從榮進馬請賜侍臣宴羣寮至晚還宮乙巳
帝幸龍門佛寺祈雨至晚還宮

三年正月辛丑白坡新修軍營駕幸觀之稱旨賜部

署軍吏等物有差癸卯御中興殿顧謂侍臣曰朕幸
白坡登邨山忽於山谷荒榛之中見有百姓與築房
舍甚嘉歎之三月丙辰幸龍門永定庄甲子幸至德
宮至晚歸內五月甲子觀維水漲溢是日水落三尺
至午還宮賜控鶴官錢各一千油衣一事已丑帝觀
穀水至午還宮十月庚申幸至德宮因幸石敬瑭李
從敏之私第十二月癸丑幸龍門觀工徒修伊河石
堰以羊酒賜役夫如雒堤例伊水中流榜夫墮水遣
人拯之以包錦賜之

四年三月幸龍門七星亭農事方春田民遍野上見

其剗音各桑稼樹枉駕勞問親自勸課八月壬申幸至

德宮自聖躬不豫未嘗宴遊至是始幸都民瞻望輿
輦夾道歡呼所至如堵九月丙子幸至德宮士庶夾
道歡呼以帝初不豫至是喜帝復能騎乘也十月辛
未幸宮西土和亭至晚還宮

末帝清泰元年六月庚辰幸至德宮又幸房知温安
元信范延光索自通李從敏居第各賜繒帛銀器至
夕還宮七月甲辰幸龍門佛寺禱雨十二月庚寅幸
龍門禱雪

二年十月丁卯幸崇道宮拜老子祠出定鼎門幸其

泉水亭賜從官酒食日夕還宮甲戌幸樞密使趙延壽之第河南尹重美從獻金酒器四十事繒帛三千疋供御馬八匹金線袍玉帶樞密宣徽內諸司使皆贄幣馬賜公主及諸子金帶金器幣馬有差移幸三司張延朗第昏驢還宮

三年正月戊戌幸龍門祈雪

晉高祖天福元年十二月乙酉朔幸河陽餞送大相溫蕃部兵士歸國

二年三月勅曰王者省方設教靡憚於勤勞養士撫民必從於宜便顧惟涼德肇啓丕圖營務去乎煩苛

與漸臻於富庶而念京城俶擾之後舟船焚蕪之餘饋餉有虧支費殊闕將別謀於飛輓慮轉困於生靈以此咎心未嘗安席今以夷門重地梁苑雄藩水陸交通舟車必集爰資經度須議按巡寧免暫勞所期克濟宜取今日二十七日巡幸汴州諸道州府節度防禦團練使刺史不計遠近並不得輒離州城來赴朝覲文武兩班委宰臣酌量逐司量差官員隨所應奉公事外餘並留守司所在行宮一聽仍舊不得修葺經過量事通得車馬外方當農時不得勞役人戶修治公路食頓並委所司破省錢物預前排備所在

州縣並不得輒有科斂布告中外咸使聞知凡百臣寮宜體朕旨中書奏車駕經過河南府河陽鄭州汴州管界所有名山大川帝王陵廟名臣等去路十里內者伏請下本州府各排比祇候俟車駕經過日以酒脯醢祭告從之庚辰帝卯時離京至積澗驛下馬留司官等班辭辛巳帝寅時離偃師至孝義食巳時至鞏縣壬午帝丑時離鞏縣汜水食上馬至滎陽四月癸未朔帝丑時離滎陽至潁水食鄭州防禦自景友進牲餼器皿帝曰不出民力否景友奏曰臣畏陛下皆辨於已俸乃令收之甲申帝至中牟丙戌帝巳時入汴州至鞠場宣諭隨駕馬步兵入內

三年正月壬戌夜放燈都人夜遊帝御大寧宮門樓觀之

五年八月丁酉觀稼於西郊辛巳觀稼於沙臺

六年七月甲申降御札曰朕自承天命肇啓帝圖期四海之混同法五載之巡狩瞻惟全魏實曰與區人物殷繁山河雄壯地雖昇於都邑民未識於乘輿皆傾望幸之情宜展省方之義取今月五日暫幸維都公路供頓並委所司以官物排比州縣官不得科率人戶其隨駕內外官員并馬步兵士等不得擾人踐

踏苗稼中外遐邇宜體朕心前均州刺史劉禧爲隨
駕橋道使鄆州節度使杜威爲隨駕御營使遣護聖
右廂都指揮使梁漢璋等領兵士八指揮往鄆都賜
衣服錢絹茶有差宣放文武百官朝參兩日取便進
發壬辰離東京宿封丘己亥至鄆左右金吾六軍儀
仗排列如儀迎引入內

七年正月庚午上元節燒燈帝御乾元門觀之夜半
還宮

少帝以天福七年六月卽位八年二月庚戌御札宣
示曰控制寰中梁苑得舟車之要撫寧河朔鄆臺有

粟帛之饒先皇帝肇啟其扃咸昇都邑南北非遠來
往是嘗今則時正晏清候當和煦宜廻金輅往幸夷
門宣取今月十一日還幸東京應泂路州府並不用
修飾行宮開治道路食宿頓遞並以官物供給勿令
科歛人戶側近州府長吏勿來朝覲凡在遐邇宜體
朕懷己未登鄆都辛酉至澶州甲子次封丘文武百
官見於行宮乙丑至東京庚午幸南莊七月丁酉幸
南莊召從駕臣寮習射路左農人賜布衫麻屨
開運元年十二月己亥朔幸高門臺

二年四月丙寅在澶淵是日帝出北門巡幸至戚城

東宣隨駕臣寮習射晚際還宮十月幸硯臺廻幸魯國大長公主第至暮還宮

三年二月壬午帝辰時乘馬幸南莊汳河射鴨子向西至板橋沙灘下馬召隨駕節度統軍皇帝眷賜茶酒已時回至南莊臣僚賜食畢唱蕃歌赴行宮射弓復命臣寮上船飲酒至東庄次入鄴都畱守杜威園醉方入內四月丁未幸大年庄遊船召近臣前任節度使開宴射弓酣甚賜羣官器帛物等又召彈獨絃琴替者昭陽人數十輩皆賜物有差及夜歸內

漢高帝以晉開運四年二月辛未卽位改開運四年

爲天福十二年九月御札取今月二十九日暫幸澶魏十月壬午次長垣癸未幸蘧伯玉廟駐蹕賜臣寮酒丙戌次澶淵戊戌至鄴城院中駐蹕因幸節度使高行周本營賜羣臣酒食十一月帝乘馬幸御營東金堤臺父老張進等數十人進茶湯帝曰朕之北來都爲百姓勿以暫時駐軍而爲煩也衆皆歡呼因賜物有差

周太祖廣順元年正月丙戌幸城西御園午後還宮二月己未幸城南園賜從官酒食申時還宮三月辛未幸城西城南御園及史弘肇園太祖嘗與弘肇遊

宴其間臨觴嗟叱久之至晚還宮己丑幸城南園賜
從官酒食申時還宮四月戊申幸城南園賜從官酒
食申時還宮五月壬午巳時幸城南園賜從官酒食
六月壬子巳時出金義門幸城西園申時還宮八月
乙未辰時車駕幸班荆館賜從官酒食乙巳幸城西
園內闕新城戰棹十二月乙未辰時幸城西園賜從
官酒食申時還宮丙辰幸城南園賜從官酒食申時
還宮

二年三月幸城南園召宰臣諸統軍射十一月丙戌
車駕辰時幸南園賜從官酒食申時還宮庚子幸樞
密院王峻請之也時峻於本院東別修廨署大興屋
宇及成欲太祖幸後卽於中視事太祖從之卽召近
臣賜酒食賜峻繒絹十疋銀器三千兩宰臣馮道已
下及宣徽使翰林學士樞密直學士賜物有差午際
復召宰臣樞密使前節度使諸統軍後園射賜物有
差十二月壬寅幸城西園召從官射申時還宮
三年正月辛巳幸城南賜從官酒食申時還宮三月
戊申幸城南園賜從官酒食申時還宮五月壬寅幸
城南園賜從官酒食申時還宮十月丙辰辰時幸城
南園又幸城西園賜從官酒食申時還宮

世宗顯德元年七月庚辰出薰風門幸南御庄觀稼
至晚還宮八月甲辰出金義門幸南御庄召武臣觀
射至晚還宮

二年十月癸酉幸禮賓院既而薄狩於近郊帝親射
兔中之

五年五月辛丑幸懷信驛癸卯幸造船務九月丙子
幸造船務及玉津園己酉幸東水門命水工修利堤
岸

六年二月辛丑幸迎春苑及新蔡河因就陶家觀其
陶器既而賜陶人物有差三月丙午朔丁未幸造船務
辛未幸造船務壬申宴於廣政殿

冊府元龜

冊府元龜 帝王部

卷之二十四

冊府元龜

淮南李嗣京參閱

西極文翔鳳訂正

豫章黃國琦較釋

帝王部

一百十五

籍田

蒐狩

籍田

古之帝王躬耕帝籍以供郊廟之粢盛所以敦孝致
恭懋力務本且以訓化天下使民厚生而勤業也繇
是修先農之祀示有所宗謹神倉之藏罔敢不飭稽

述古訓克已以躬率正萬邦馴致於富庶列辟遵行
斯為令典其或禮有廢墜先儒載其規諫事從振舉
舊史著其嘉頌而况六府允治所寶惟穀四民異業
大事在農上之化下如偃草之易令出惟行比流水
之順故稽古憂勤之后未嘗不垂意于此然後能致
治興化者也若乃前修議論之深切歷代禮文損益
皆周旋論次俾有條而不紊焉

周成王籍田而祈穀作載芟之詩周禮曰師氏掌帥其屬而耕耨王藉
以時入之以供粢盛

宣王卽位不籍千畝籍借也借民力以為之天上藉千畝諸侯百畝自厲土之流藉

西禮廢宣王卽位不復古也號文公諫曰夫民之大事在農土帝

之粢盛於是乎出器寔曰盛民之蕃庶於是乎生事

之供給於是乎在和協輯睦於是乎興財用蕃殖於

是乎始敦龐純固於是乎成敦厚是故稷為大官民

大事在農故稷之職為大官古者太史順時傾土管脈陽瘳憤盈

土氣震發瘳厚憤積盈滿農祥晨正農祥房星也晨正謂立春之日

農中於午也農事日月底于天廟底至也天廟營室

後關故曰農祥也脈理農書曰春土冒也孟春之月日月

皆在土乃脈發陳根可拔耕者急發先時九日先

春太史告稷曰自今至于初吉二月朔日也詩陽氣

俱蒸土膏其動弗震弗渝脈其滿青穀乃不殖震動

昔災也言陽氣俱升土膏欲動變駕其氣曰距今九
不然則脉滿氣結更為災病穀乃不殖也
日土其俱動距王其祗被監農不易祗敬也祗齋戒

不易物生之宜使司徒成戒公卿百吏庶民百吏百官庶民
民也主耕耨司空除墮于籍命農大夫成戒農甸師氏所掌之

川先時五日先耕警告有協風警樂太師知風声者
至也立春王即齋宮百官御史各即其齋三日治御王

親淳濯饗謂王沫敏以醴酒及期鬱人薦鬯鬱鬱
尊宜以和儀人薦醴儀人司樽王裸鬯饗醴乃行

禮膳夫上士也掌飲食膳羞農正田大九稷監之監
禮夫也主數幣禮而祭其神為農祈也

太史贊正贊王敬從之王耕一墮一發耕之墮也王
班三之班三次也三之下各三其上庶人終于千

畝終是是日也警師音官以風土也音官樂官也風
風風氣和廩于藉東南鍾而藏之廩御廩一名神倉

聚也謂為廩以藏王而時布之于農布稷則徧戒自
所藉田以奉粢盛也

姓紀農協功曰陰陽分方震雷出滯分日夜同也滯
日夜分雷土不備墜辟在司寇乃命其旅曰狗狗依農

農師一之農正再之后稷三之司空四之司徒五之
太保六之太師七之太史八之宗伯九之王則大狗

耨穫亦如之如耕是時也王事惟農是務無有求利

於其官以于農功

求利謂變易役使于亂農功也

三時務農而一時

講武

三時春夏秋也一時冬也講武講習武事

故征則有威守則有財若

是乃能媚於神而和於民矣則享祀時至而布施裕

也今天子欲脩先王之緒而棄其大功墮神之祀而

困民之財

墮神之祀不耕藉也困民之財取於民也

何以求福用民上弗

聽

漢孝文二年正月丁亥詔曰夫農天下之本也其開

籍田朕親率耕以給宗廟粢盛

十三年二月甲寅詔曰朕親率天下農耕以供粢盛

皇后親桑以奉祭服其具禮儀

今古耕桑之禮制也

景帝後二年四月詔曰雕文刻鏤傷農事者也錦繡

纂組害女紅者也

紅讀曰功

農事傷則饑之本也女紅害

則寒之原也夫饑寒並至而能亡為非者寡矣朕親

耕后親桑以供宗廟粢盛祭服為天下先不受獻戒

大官省繇

省音所領切繇讀曰徭

欲天下務農桑素有蓄積以

備災害

武帝征和四年正月行幸東萊三月上耕於鉅定

齊國

也

昭帝始元元年二月耕於鉤盾弄田

帝時年九歲鉤盾宦者署西京

天子所戲弄耳非為昭帝年幼創有此名

六年正月耕于上林

後漢明帝永平四年二月辛亥詔曰朕親耕籍田以祈農事

十三年二月帝耕於籍田禮畢賜觀者食

十五年帝耕於下邳

章帝元和二年二月乙丑帝耕於定陶詔曰三老尊年也孝悌淑行也力田勤勞也國家甚體之其賜帛人一疋勉率農功

三年正月辛丑帝耕於懷

順帝卽位以後不行籍田之禮黃瓊爲尚書僕射瓊

以國之大典不宜久廢上疏奏曰自古聖帝哲王莫不恭敬明祀增致福祥故必躬郊廟之禮親籍田之勤以先羣萌率勸農功昔周宣王不籍工畝號文公以爲大譏卒有姜戎之難終損中興之名竊見陛下尊稽古之鴻業體虔肅以應天順時奉天懷柔百神朝夕觸塵埃於道路晝暮聆庶政以恤人雖詩咏成湯之不怠荒書美文王之不暇食誠不能加今廟祀適闕而祈穀潔齋之事近在明日臣恐左右之心不欲屢動聖躬以爲親耕之禮可得而廢臣聞先王制典藉田有日司徒箴戒司空除壇先時五日有協風

之應王即齋宮饗禮載未誠重之也自癸巳以來仍西北風其澤不集寒涼尚結迎春東郊既不躬親先農之禮所宜自勉以迎和氣以致時風易曰君子自強不息斯其道也書奏帝從之

獻帝興平元年二月丁亥帝耕於籍田

魏太祖既建魏國漢建安十九年正月始耕籍田

二十一年三月壬寅親耕籍田

明帝太和元年二月辛未帝耕於籍田

晉武帝太始四年正月丁亥親耕籍田先事詔曰夫民之大事在農是以古之聖王躬耕帝籍以供郊廟

之粢盛且以化訓天下近代以來耕籍於數步中空有慕古之名曾無供祀訓農之實而有百官車徒之費今循千畝之制當與羣公卿士躬稼穡之艱難以帥天下王者詳其其制並下河南處田地於東郊之南雒水之北半良中水者若無官田隨宜便換不得侵民人也

八年正月癸亥帝耕於籍田

十年正月辛亥帝耕於籍田

哀帝興寧二年二月癸卯帝親耕籍田

初元帝將修耕籍問籍田

應躬祠先農不賀循漢儀無有至尊應有制之周禮王者祭四望則毳冕祭社稷五祀則絺冕以此不

為無親祭之義也所上儀注又未詳允事竟不行是復欲行其典亦不能遂

後魏道武天興三年二月丁亥詔有司祀日於東郊始耕籍田

孝文延興二年三月庚午耕於籍田

太和十六年二月丙午詔有司刻吉亥備小駕躬臨千畝

十七年二月己亥籍田於南都

宣武景明三年十二月詔曰民本農桑國重蠶籍染織所憑冕服攸寄比京邑初基耕桑蠶織遺規往旨宜必祗循今寢殿顯成移御維始春郊無遠拂羽有

辰便可表營千畝開設宮壇秉耒援箱躬勸億兆四年正月乙亥車駕籍田於千畝

孝明帝正光三年正月辛亥親耕籍田

後周閔帝元年正月辛丑即天王位癸亥親耕籍田

明帝二年正月辛亥親耕籍田

武帝保定元年正月乙亥親耕籍田

天和元年正月己亥親耕籍田

二年正月己亥親耕籍田

建德三年正月乙亥親耕籍田

唐太宗貞觀三年正月十八日詔曰周宣王在位以

隆茲禮近代以來彌所多闕朕祗承大寶憲章典故
 今將履千畝於近郊復三推於舊制宜令有司式遵
 典禮二十一日親祭先農籍于千畝之甸自晉氏南
 遷此禮久廢今始行之觀者莫不駭躍秘書郎岑文
 本獻籍田頌以美之

初議籍田方面所在給事中孔穎達曰禮天子籍田于南郊諸侯於東郊晉武帝猶於南郊今於城東不合古禮帝曰禮緣人情亦何嘗之有且虞書云平秩東作則是堯舜敬授人時已在東矣又乘清輅載黛耜耜所以順其春氣故知合在東方且朕見居少陽之地田于東郊蓋其宜也于是遂定自後每歲嘗令有司行事也

高宗永徽三年正月丁亥親享先農御耒耜率公卿
 耕於籍田賜羣官帛各有差

乾封二年正月十八日行籍田之禮躬秉耒耜而九
 推焉禮官奏陛下合三推上曰朕以身率下自當過
 之恨不終於千畝耳禮畢降雪盈尺

初將耕藉先至
于先農之壇因
闕耒耜有雕刻文飾者謂左右曰田器農
人執之在于朴素豈貴文飾乎乃命換之

儀鳳二年正月乙亥帝親耕籍田於東郊禮畢作籍
 田賦以示羣臣

三年五月幸籍田所觀區種手種數區

睿宗景雲三年正月戊子幸滄東親耕籍田祀先農

太極元年正月戊子親耕籍田

玄宗開元十九年正月丙子親耕於興慶宮龍池二

月癸未皇太子鴻等奏曰一昨正月二十七日伏見
陛下於興慶宮親耕三百餘步既而青光紫氣覆地
臣等聞舜在歷山之下人微之事也漢有鈞盾之間
兒童戲之猶正經所尚良史稱多况陛下運德協靈
聖情逮物上為宗廟下預黔黎躬耕籍田天下幸甚
較其盛禮百倍於三推考其嘉瑞獨高于千古而九
霄四遠中外阻絕冢司莫繇見直筆所未聞使帝跡
不激揚聖美不昭晰皆臣子之過也身以臣等冒昧
上陳伏乞恩慈令宣示朝廷錄以史館則罄天率上
殊情同幸帝曰人之大事實在於農故務其二時播

諸百穀是用仰遵千畝之籍躬閱三推之禮所以供

祀宗廟率先下人亦何足光乎史冊布諸中外也然

汝等固請宜付史臣

初開元二年十月監察御史席建

田者所以供粢盛勸稼穡俾夫海內元元相謂曰天子至尊也猶行三推之禮况乎田野農圃之人乎于是父勸其子兄率其弟躬耘力耕不避霜露故畝稅流行國倉噉噉帝堯之洪流包山天乙之巨鼎爍石人無菜色用此道也自陛下允隄皇階未親帝籍伏願命有司具儀禮以來年春耕于公田躬執耒耜使黍稷豐備然後享天于南郊宗祀先聖于明堂大孝蒸嘗于茲為盛豈止年登歲稔如坻如京而已哉

二十三年正月十八日親祀先農禮畢降至耕位侍

中執耒大僕秉轡帝謂左右曰帝籍之禮古則三推

朕今九推庶九穀之報也讚導者跪而奏曰先王制

禮不可踰越帝曰夫禮豈不在濟人治國勤事務功乎朕發乎至誠深惟嘉殖將以勸南畝供粢盛豈非禮意也於是九推而止公卿以下終其田畝制曰昔者受命為君體元立極未有不謹於禮而能見教于人朕且庶乎有慙作者方冊存而可舉典章絕而復尋自古所行無一而廢將以上乞靈於宗社下蒙福於黎元朕茲精誠天實降鑒今嗣歲初吉農事將起禮先本于耕籍義緣奉於粢盛是所嚴祇敢不敬事故躬載耒耜親率公卿以先萬姓遂千畝謂敦本之為耳何布澤之更深宜有順於發生俾無偏於行惠可大赦天下

十一月十六日親祀神農於東郊以后稷配親執耒耜而九推焉臣欽若等曰據會要是一年再耕

肅宗乾元元年十二月癸亥勅來年正月十月拜九宮壇十一日籍田

二年正月丁丑帝將有事於九宮之神兼行籍田之禮自明鳳門出至通化門釋較而之壇所宿齋于宮戊寅禮畢將耕籍田先至於先農之壇因耒耜有雕刻文飾者謂左右曰田器農人執之在于朴素豈貴文飾乎乃命徹之詔曰古之聖王臨馭天下莫不

冊府元龜 耕田 卷之二十一
務農敦本保儉爲先蓋用勤身率下也屬東耕啓侯
爰事籍田將欲勸彼蒸人所以執茲耒耜如聞有司
所造農器安加雕飾殊非典章况組轅縹軌前王有
制崇奢尚靡諒爲所疵靜言思之良用歎息豈朕法
堯舜重茅茨之意耶其所造雕飾者宜停仍令有司
依農用嘗式卽別改造庶萬方黎獻知朕意焉翌日
巳卯致祭神農氏以后稷配享帝冕而朱紘躬秉耜
而九推焉禮官奏陛下合三推今過禮帝曰朕以身
率下自當過之恨不終於千畝耳旣而佇立久之觀
公卿諸侯王公巳耒耕畢然後自春明門入至東陽

門起居聖皇乃還大明宮自前年旱冬又無雪禮畢
降雪盈尺司天臺奏初籍田樂作有南風應律以協時
今年豐之兆晝則黃雲捧日夜則紫氣抱樞
憲宗元和五年十月丁亥制來年正月十四日朝獻
太清宮十五日謁太廟十六日籍田于東郊宜令所
司准式十一月丙午制曰朕以東郊籍田禮之重者
爰擇吉亥用祀先農上以供粢盛下以勸稼穡式展
三推之義敢辭四體之勤亦旣草儀方將肅事載思
理本旁采衆詞以江淮水旱之餘河朔師旅之後宜
寬物方以濟元元况當三農休息之時百司供具之

背道塗灑掃暴露勤勞惕然在懷是用中止雖前有
成命皆已施行而重煩吾民則無固必其來年正月
十六日籍田禮宜停於獻夫聖人無心以徇百姓朕
亦虛已用圖大中苟事有未宜則改而求當凡百卿
士期悉予懷是時太嘗修撰韋公肅奏曰伏惟元和
五年十一月勅將行籍田令有司詳定儀注伏緣籍
田禮廢已五十餘年有司案牘無可簡尋今據禮經
兼採開元乾元故事並徵前代沿革參酌詳定勅付
所司施用而罷

蒐狩

夫春蒐夏苗秋獮冬狩是謂禮之大者非徒順四時
之令除五穀之害蓋所以爲宗廟而習軍旅焉其事
歌於詩列於書載於易著於戴記載於左氏論於公
穀而取詳於周禮王者奉而行之簡車徒脩卒伍命
肆師以表貉俾田僕而馭路然後三驅乎中軌塵馬
候歸旣戒其馳騁不合圍不殫物又禁其暴殄故曰
以戰則克以祭則受福此其義也然而太康無度五
子之怨興文王以時騶虞之詠作去彼取此乃可以
爲萬代法

周文王出獵遇太公于渭之陽

成王歸自奄大蒐於岐山之陽 岐山在扶風美陽縣西北

宣王能修政事外攘夷狄復文武之境土脩車馬備

器械復會諸侯於東都因田獵而選車徒

漢武帝建元三年南獵長楊

元帝永光五年冬幸長楊射熊館布車騎大獵

成帝元延二年冬行幸長楊宮從胡客大較獵 較謂以木

自相貫穿為蘭較耳較人職云六廐既較則以遮欄

為義也較獵者大為蘭校以遮禽獸而獵取也重之

幡旗雖有較名本宿蕢陽宮賜從官 楊雄稱成帝將

因部較此無豫也

禽獸秋命右扶風發民入南山西自褒斜東至弘農

後漢明帝永平十五年冬車騎較獵上林苑

安帝延光二年十一月甲辰較獵上林苑

順帝永和四年十月戊午較獵上林苑歷函谷關而

還

桓帝永興二年十一月甲辰較獵上林苑遂至函谷

關而還賜所過道旁年九十以上錢各有差

延熹元年十月較獵廣成遂幸上林苑

六年十月丙辰較獵廣成遂幸函谷關上林苑

靈帝光和五年十月較獵上林苑歷函谷關遂巡狩

于廣成苑十二月還宮

魏文帝黃初二年正月甲戌較獵至原陵
四年八月辛未較獵于滎陽

後魏道武皇始元年春正月大蒐于定襄之虎山因
東幸善無北陂

天興六年七月戊子北巡築離宮于狝山縱士較獵
東北踰霸嶺出合代谷

天賜三年正月甲申北巡幸狝山宮較獵至孤山
明帝永興四年七月東巡巳卯大獮于石會山戊子
臨去畿陂觀漁庚寅至于濡源西巡壺北諸落賜
以繒帛八月庚戌還宮壬子幸西宮臨版殿大饗羣

臣將吏以田獵所獲賜之

五年六月西幸五原較獵于骨羅山獲獸十萬

神瑞二年四月北巡五月丁亥次於參合東幸大窰
丁未田于四禪山六月戊午幸去畿陂觀漁辛酉次
于濡源築立蚌臺射白熊於頽牛山獲之

秦嘗元年六月北巡七月自白鹿陂西行大獮於牛
川

二年五月西巡至於雲中遂濟河田於大漠十二月
庚申田於西山癸亥還宮

四年正月壬辰朔臨河大蒐于犢渚癸卯還宮四月

庚寅朔觀漁于灑水巳亥還宮復一年租賦十二月
癸亥西巡至雲中踰白道北獵野馬於辱狐山至于
黃河從君子津西渡大狩於薛林山
六年七月西巡獵于柞山親射虎獲之遂至於河八
月庚子大獮于犢渚

大武神嘉元年四月壬子西巡戊午田於河西大赦
十一月行幸河西大較獵十有二月甲申還宮

二年十一月西巡田于河西至柞山而還

三年春正月庚子還

言

三年八月行幸南宮獵于南山

四年十月幸漠南十一月丙辰北部勅勒莫弗庫若
于率其部數萬騎驅鹿數百萬詣行在所帝因而大
狩以賜從者勒石漠南以記功德十二月丁丑還宮
太延元年七月田稠陽十一月乙丑行幸冀州巳巳
較獵於廣州

二年八月較獵於河西

太平真君五年八月田於河西

九年二月幸長安存問父老丁亥幸昆明池遂田於
岐山之陽

十年三月蒐于河西庚寅還宮

十一年二月大蒐於梁川六月北巡陰山八月辛丑田于河西

文成太安元年六月戊寅畋於犢倪山甲申還宮

三年正月壬戌畋於崞山戊辰還宮五月庚申畋於

松山己巳還宮

四年二月幸信都畋游於廣川三月丁未觀馬射於

中山六月丙申畋於松山八月丙寅遂畋于河西

獻文皇興元年十月田于郎舅池

二年二月癸未田于西山親射虎豹五月乙卯田于

崞山遂幸繁峙辛酉還宮十月田於冷泉

三年四月丁酉田于崞山

後周武帝保定元年十一月丁巳狩于岐陽十二月

壬午至自岐陽

建德五年正月癸未幸同州辛卯行幸河東涑川集

關河東諸軍較獵甲午還同州

隋煬帝大業三年六月辛巳獵於連谷隋制軍人每

具仲冬教戰法是年冬煬帝在榆林突厥啓民及西

域東胡軍長並來朝貢帝欲誇以兵甲之盛乃命有

司陳冬狩之禮詔虞部近出南北周圍二百里並立

表記前狩二日兵部建旗于表所五里一旌分為四

十里軍萬人騎五千匹前一將各率其軍集旗

下鳴鼓後至者斬詔十三道使並揚旌建節分號申

令即番所監獵布圍圍廣南面方行而前帝服紫袴

備黑介幘乘關獵車其飭如木輅重軻漫輪蚪龍繞

載漢東京鹵簿所謂獵車者也駕六黑驃太常陳鼓
 笳鏡簫角于帝左右各百二十官戎服騎從鼓行入
 圍諸將並鼓行赴圍乃設驅逆騎千有二百圍備停
 輒有司斂大綏王公以下皆整弓矢陳手駕前有司
 又斂小綏乃驅獸出過帝前初驅過有司整御弓矢
 以前待詔再驅過備身將軍奉進弓矢三驅過帝乃
 從禽鼓吹皆振左而射之每驅必三獸以帝發抗大
 綏次王公發則抗小綏次諸將發射之無鼓驅逆之
 騎乃止然後三軍四夷百姓皆獵凡射獸自左而射
 之達于右隅為上等達右耳本為次等自左隅達于
 右隅為下羣獸相從不得盡殺已傷之獸不得重射
 又逆向人者不射其面出表者不逐之田將止虞部
 建旗于圍內從駕之及諸軍鼓俱振卒徒皆噪諸獲
 禽者出獻于旗所致其左耳大獸公之以供宗廟使
 歸薦腊于京師小獸私之

五年四月己亥大獵於隴西

唐高祖武德九年十二月乙酉幸周氏陂過故莊丙

戊較獵置酒高會極歡而罷賜錢絹各有差

二年十月幸華陰十二月狩於華山

三年正月較獵於渭汭十二月甲辰臘較獵於渭北即

日還宮

四月閏十月壬戌較獵於好畤乙丑較獵於九疊山

丁卯較獵於仲山戊辰較獵於清水谷遂達三原十

二月庚辰臘較獵於杜陵原即日還宮

五年十一月癸卯較獵於富平之北原十二月丙辰

較獵於華池之萬壽原白鹿見帝親御弧矢射而獲

之

六月二月戊午較獵於驪山獲白鹿十月己未幸華
陰庚申較獵於白鹿原十一月丁亥較獵於華山之
陰十二月甲寅至自華陰
七年十二月丁卯幸躍龍宮戊辰較獵於高陵
八年四月甲申幸鄠縣獵於甘谷丙戌至自鄠縣十
月辛巳周氏陂較獵於北原壬午幸躍龍宮十一月
辛卯幸宜州較獵於西原癸未較獵於華州池之北
原十二月庚辰臘帝曰臘獵以供宗廟朕當躬其事
以申孝享之誠於是車駕出巡狩於鳴犢泉之野是
日宴從官賚物綵帛各有差

太宗貞觀四年十月辛丑較獵於貴泉谷賜將士帛
有差甲辰較獵於魚龍川親自射鹿獻於太安宮十
二月甲辰臘狩於鹿苑見野人多監繆遣侍中王珪
賑賜貧人焉乙巳至自鹿苑

五年正月癸酉大蒐於昆明池蕃夷君長咸從帝謂
呂王麴文泰曰丈夫在世樂事有三耳天下太平家
給人足一樂也草淺獸肥以禮田狩弓不虛發箭不
妄中二樂也六合大同萬方咸慶張樂高宴上下歡
洽三樂也今日王可從禽明當歡讌耳丙子至自昆
明池親獻禽于太安宮十二月正月幸溫湯癸卯較

獵於驪山

七年十一月丙辰狩於少陵原戊午至自少陵原
十一年二月壬午較獵於鹿臺嶺三月辛亥大蒐十
廣成澤十一月乙未狩於濟源之山親御弧矢帝曰
古者先驅以供宗廟今所獲鹿宜令有司造醕醢以
充薦享

十二年十月狩于始平

十三年二月幸長春宮乙亥蒐于河濱十二月壬辰
臘狩於咸陽癸巳至自咸陽

十四年閏十月甲辰幸同州狩於堯山庚戌輿駕還

宮十二月壬辰臘較獵於樊川遇大雪其夜解圍乙

巳輿駕還宮

十五年十月辛卯較獵於伊闕辛丑輿駕還宮

十六年十一月丙辰輿駕西狩于武功壬戌大較獵
于岐山之陽十二月甲辰狩于驪山帝登山頂見獵
斷顧謂從官曰此山險絕馬蹄不通緣危越澗入赤
勞止若依軍令闕圍有罪朕爲萬乘主不可登高就
下察人之過乃廻馬避之

十八年十月甲寅輿駕幸雒陽官巳巳狩于灑池縣
天池十一月壬申至雒陽宮

二十二年二月己卯蒐于華原

高宗顯慶二年十月幸許州狩於渚水之南行二驅之禮設次於尚書臺以觀之許州長史封道弘奏言尚書臺本因漢南郡太守馬融講尚書於此因以爲名今陛下親降此臺以觀較習請改爲講武臺從之五年八月甲寅幸許州十二月辛未較獵於長社之安樂川

龍朔元年冬十月狩于陸渾縣戊辰較獵於韭山上自射禽獸獲鹿及雉兔數十令代官厨應烹之羊蓋放令長生焉

總章三年九月己亥幸九成宮壬寅停華林頓大獵于岬

咸亨二年十二月車駕幸許州癸酉陳冬狩之禮因較獵于許州華縣昆水之陽

五年十一月丙午朔車駕發京師幸東都已酉畋于華山之曲武原

中宗神龍元年十月乙丑幸新安畋游而還

玄宗光天元年十月癸卯太上皇幸新豐獵於驪山之下命從官宴設樗蒲焉賜帛各有差十二月癸卯帝幸新豐之温湯便獵於渭川

二年十月甲辰畋于渭川
開元三年十月制曰昔周有岐陽之蒐漢有扶風之
命或講師習武跨胡曜威故王者狩必以時虞人招
之以禮時則遠矣朕自祗應圖籙于今四年每巡幸
郊畿不出百里且愛力而節用豈盤遊而好樂間者
四方無事百穀有成因孟冬之月臨右輔之地戒茲
五較爰備三驅非謂獲多庶以除害一昨長圍已合
大綏未舉而夜間朔風天降微雪狐裘且御未免和
寒鶉衣不充寧堪凍露朕便截較獸要輕禽以此游
娛孰云矜恤况爲之父母育彼黎元中宵耿然明發

增惕其圍兵並放散各賜布一端綿一屯圍將賜物
三十段副使二十段押官十段岐州兵馬於此給付
餘兵馬至京請受

八年十月辛巳幸長春宮壬午畋于下邳

十年冬十月甲寅幸壽安之故興泰宮畋于宜川庚
申至自故興泰宮

十四年幸壽安于方禿川

十七年十二月乙丑較獵渭濱

代宗大曆七年冬十月壬子畋于禁苑一發連中二
兎遣使出示宰臣仍賜之宰臣等拜舞稱慶

德宗貞元八年十二月甲辰臘畋于城南

十年十二月臘令諸衛將軍畋于南城

十一年十二月戊辰臘畋於苑中止多殺行三驅之禮軍士無不知感畢事幸左神策軍營勞軍饗士而還

穆宗元和十五年十二月庚辰臘畋于城南左右中尉策六軍等使並扈駕

長慶二年十月己卯帝繇複道出城狩于咸陽卽日還宮十一月癸酉幸華清宮遂狩于驪山卽日還宮武帝會昌六年十一月幸涇陽較獵白兔原

後唐莊宗天祐十一年平燕薊還正月至衡唐己亥帝與趙王王鎔畋於衡唐之西至界而別

同光元年十月庚子帝畋於汴水之陽際夜還宮

二年八月庚午車駕幸西苑試鷹以畋甲申畋於西苑九月癸卯畋於西北近畿癸亥田於石橋十一月癸亥田於石橋戊申田於西北近甸至贖還宮十二月戊辰幸西苑較獵庚申輿駕出開化門較獵至夕還宮己丑輿駕幸龍門較獵於彭婆店癸卯大畋於伊闕侍衛金槍馬萬餘騎從帝一發中大鹿從臣稱慶是夜駐蹕於張全義之別墅甲辰涉歷山川六軍

衛士獲禽者衆帝皆勞以繒帛或錦袍銀帶是夜駐蹕伊闕縣乙巳自伊闕分環衛諸軍騎士馳鹿山谷間暮未合圍夜二鼓駐御營於湛澗是夜騎士有墜崖谷而斃及折傷手足者甚衆丙午復分衛兵分獵殺獲數萬計是夜二鼓一籌歸京城街市火炬如晝丁未百官赴中興殿問起居賜羣臣鹿肉

三年車駕在鄴辛酉帝出崇明門試鷹犬日暮還宮癸亥帝出北門至王莽河射鴈日晚還宮丁亥帝出北門較獵至夜還宮乙亥駕出北門至王莽河射雁乙酉帝出北門射鴨於郭泊至夜還宮庚寅帝出北

門射雁九月丁巳帝出師子門射雁於尖山至晚還宮十二月庚辰大雪帝以臘辰狩於白沙

四年二月帝出西師子門至冷泉較獵至晚還宮

明宗天成元年十二月壬辰帝出畋自定鼎門供頓

於其水亭晡晚還宮臘辰也

二年十二月甲辰臘狩於東郊圍合萬騎賜宰臣學弓矢爲從禽之樂迨暮歸內

三年十二月甲辰臘狩於近郊一鼓歸內

四年十一月甲戌車駕出近郊試夏州所進白鷹十二月甲辰車駕畋於龍門南至夜還宮臘辰故也

長興元年十月車駕出師子門畋於近郊十二月丙辰車駕出金耀門獵於西山下臘辰故也至晚還宮二年十二月乙卯帝出金耀門獵于西郊

三年十二月戊辰帝獵于京西南園合親射中走鹿從臣皆賀宴於梁村申時還宮

晉少帝天福八年十二月臘詔陝府節度使畋於近郊

開運元年十二月己亥朔幸臯門射中白鹿

二年十月戊寅帝行硯臺射中伏兔隨行節度使進馬慶之至暮還宮己巳帝出京城巡幸西北至臯門

村射中二兔幸沙臺賜從官酒食至晚還宮

周世宗顯德五年十月壬辰帝出長慶門獵於近郊宰臣及江南兩浙進奉使皆從焉十一月甲子出迎秋門薄狩於近郊十二月甲午出迎春門薄狩於近郊上親射雉兔共三隻

